



士擊殺盜、關中大索二十日、米石千六百、

三十二年、始皇之碣石、使燕人盧生求羨門、高誓、刻碣石、門壞城郭、決通隄防、其辭曰、遂興師旅、誅戮無道、爲逆滅息、武殄暴逆、文復無罪、庶心咸服、惠論功勞、賞及牛馬、恩肥土域、皇帝奮威德、并諸侯、初一泰宇、墮壞城郭、決通川防、夷去險阻、地勢既定、黎庶無繇、天下咸撫、男樂其疇、女修其業、事各有序、惠被諸產、久僉來田、莫不安所、羣臣誦烈、請刻此石、垂著儀

慎曰、請刻此石、按今碑文、



作刻此樂石  
後人不解樂

石之義乃妄  
改之唐封演

云樂石謂以

泗濱浮磬作

碑也

### 窮兵

矩因使韓終侯公石生求仙人不死之藥始皇廵北

邊從上郡入燕人盧生使入海還以鬼神事因奏錄

圖書曰亡秦者胡也始皇乃使將軍蒙恬發兵三十

萬人北擊胡畧取河南地

三十三年發諸嘗逋亡人贅壻賈人畧取陸梁地

正義正

曰嶺南之人多處山陸其性強梁故曰陸梁為桂林象郡南海以適遣戍

西北斥逐匈奴自榆中並河以東屬之陰山以為三

十四縣城河上為塞又使蒙恬渡河取高闕陶山北



假中築亭障以逐戎人、徙謫實之初縣、禁不得祠、明星出西方、

三十四年、適治獄吏不直者、築長城及南越地、始皇置酒咸陽宮、博士七十人前爲壽、僕射周青臣進頌曰、他時秦地不過千里、賴陛下神靈明聖、平定海內、放逐蠻夷、日月所照、莫不賓服、以諸侯爲郡縣、人人自安樂、無戰爭之患、傳之萬世、自上古不及陛下威德、始皇悅、博士齊人淳于越進曰、臣聞殷周之王千



餘歲封子弟功臣自爲枝輔。今陛下有海內而子弟  
爲匹夫卒有田常六卿之臣無輔拂何以相救哉。事

不師古而能長久者非所聞也。今青臣又面諛以重

陛下之過。非忠臣。始皇下其議丞相李斯曰。五帝不

相復。三代不相襲。各以治。非其相反時變異也。今陛

下創大業建萬世之功。固非愚儒所知。且越言乃三

代之事。何足法也。異時諸侯並爭。厚招游學。今天下

已定。法令出一。百姓當家。則力農工。士則學習法令。



造探始皇本  
心

辟禁今諸生不師今而學古以非當世惑亂黔首  
相臣斯昧死言古者天下散亂莫之能一是以諸侯  
僉作語皆道古以害今飾虛言以亂實人善其所私  
學以非上之所建立今皇帝并有天下別黑白而定  
一尊私學而相與非法教人聞令下則各以其學議  
之入則心非出則巷議夸主以爲名異取以爲高率  
羣下以造謗如此弗禁則主勢降乎上黨與成乎下  
禁之便臣請史官非秦記皆燒之非博士官所職天



焚書

史記內紀 卷一  
下敢有藏詩書百家語者悉詣守尉雜燒之有敢偶  
語詩書棄市以古非今者族吏見知不舉者與同罪  
令下三十日不燒黥爲城旦所不去者醫藥卜筮種  
樹之書若欲有學法令以吏爲師制曰可一

三十五年除道道九原抵雲陽塹山堙谷直通之於  
是始皇以爲咸陽人多先王之宮庭小吾聞周文王  
都豐武王都鎬豐鎬之間帝王之都也乃營作朝宮  
渭南上林苑中先作前殿阿房東西五百步南北五



十丈上可以坐萬人下可以建五丈旗周馳爲閣道  
自殿下直抵南山表南山之顛以爲闕爲復道自阿  
房渡渭屬之咸陽以象天極閣道絕漢抵營室也阿  
房宮未成欲更擇令名名之作宮阿房故天下謂  
之阿房宮隱宮徒刑者七十餘萬人乃分作阿房宮  
或作麗山發北山石棹乃寫蜀荆地材皆至關中計  
宮三百關外四百餘於是立石東海上胸界中以爲  
秦東門因徙三萬家麗邑

麗附麗也  
附城麗邑五萬家雲陽皆



復不事十歲。盧生說始皇曰：「臣等求芝奇藥仙者，常弗遇。類物有害之者，方中人主時爲微行，以辟惡鬼。」

述方中語如是

惡鬼辟，真人至。人主所居而人臣知之，則害於神。真人者，入水不濡，入火不爇，陵雲氣，與天地久長。今上治天下，未能恬淡，願上所居宮，毋令人知。然後不死之藥，始可得也。於是始皇曰：「吾慕真人，自謂真人，不稱朕。」乃令咸陽之旁二百里內，宮觀二百七十，復道相連，帷帳鍾鼓美人充之，各案署，不移徙，行所



幸有言其處者罪死。始皇帝幸梁山宮，從山上見丞相車騎衆，弗善也。中人或告丞相，丞相後損車騎。始皇怒曰：「此中人泄吾語。」案問，莫服。當是時，詔捕諸時在旁者皆殺之。自是後，莫知行之所在。聽事羣臣受決事，悉於咸陽宮。侯生、盧生相與謀曰：「始皇爲人，天性剛戾，自用，起諸侯，并天下，意得欲從，以爲自古莫及已。專任獄吏，獄吏得親幸，博士雖七十人，特備員弗用。丞相諸大臣皆受成事，倚辦於上，上樂以刑殺



爲威天下畏罪持祿莫敢盡忠上不聞過而日驕下  
懾伏謾欺以取容秦法不得兼方不驗輒死然候星  
氣者至三百人皆良士畏忌諱諛不敢端言其過天  
下之事無大小皆決於上上至以衡石量書日夜有  
呈不中呈不得休息貪於權勢至如此未可爲求仙  
藥於是乃亡去始皇聞亡乃大怒曰吾前收天下書  
不中用者盡去之悉召文學方術士甚衆欲以興太  
平方士欲練以求奇藥今聞韓衆去不報徐市等費



坑儒

以巨萬計終不得藥徒姦利相告曰聞盧生等吾尊  
賜之甚厚今乃誹謗我以重吾不德也諸生在咸陽  
者吾使人廉問或爲詖言以亂黔首於是使御史悉  
案問諸生諸生傳相告引乃自除犯禁者四百六十  
餘人皆阬之咸陽使天下知之以懲後益發謫徙邊  
始皇長子扶蘇諫曰天下初定遠方黔首未集諸生  
皆誦法孔子今上皆重法繩之臣恐天下不安唯上  
察之始皇怒使扶蘇北監蒙恬於上郡



梁劉勰云秦  
皇滅籍亦造

仙詩

三十六年熒惑守心有墜星下東郡至地爲石黔首  
或刻其石曰始皇帝死而地分始皇聞之遣御史逐  
問莫服盡取石旁居人誅之因燔銷其石始皇不樂  
使博士爲仙真人詩及行所游天下傳令樂人調弦  
之秋使者從關東夜過華陰平舒道有人持璧遮使  
者曰爲吾遺瀉池君因言曰今年祖龍死使者問其  
故因忽不見置其璧去使者奉璧具以聞始皇默然  
良久曰山鬼固不過知一歲事也退言曰祖龍者人



之先也。使御府視璧，乃二十八年行渡江所沈璧也。於是始皇卜之卦，得游徙吉，遷北河榆中三萬家，拜爵一級。

三十七年十月癸丑，始皇出游，左丞相斯從，右丞相去疾守，少子胡亥愛慕，請從，上許之。十一月，行至雲夢，望祀虞舜於九疑山，浮江下觀籍柯，渡海渚，過丹陽，至錢唐，臨浙江，水波惡，乃西百二十里，從狹中渡，上會稽，祭大禹，望于南海，而立石刻，頌秦德。其文曰：



索隱曰今簡  
會稽刻石文  
首字作道

皇帝休烈，平一字內，德惠脩長，三十有七年，親巡天  
下，周覽遠方，遂登會稽，宣省習俗，黔首齊莊，羣臣誦  
功，本原事迹，追首高明，秦聖臨國，始定刑名，顯陳舊  
章，初平法式，審別職任，以立恒常，六王專倍，貪戾傲  
猛，率衆自彊，暴虐恣行，負力而驕，數動甲兵，陰通間  
使，以事合從，行爲辟方，內飾詐謀，外來侵邊，遂起禍  
殃，竊威誅之，殄熄暴悖，亂賊滅亡，聖德廣密，六合之  
中，被澤無疆，皇帝弁宇，兼聽萬事，遠近畢清，運理羣



物考驗事實各載其名貴賤並通善否陳前靡有隱情、飾省宣義有子而嫁倍死不貞防隔內外禁止淫佚男女絜誠夫爲寄殲殺之無罪男秉義程妻爲逃嫁子不得母咸化廉清大治濯俗天下承風蒙被休經皆遵度軌和安敦勉莫不順令黔首脩潔人樂同則嘉保太平後敬奉法常治無極輿舟不傾從臣誦烈請刻此石光垂休銘還過吳從江乘渡並海上北至琅邪方士徐市等入海求神藥數歲不得費多恐



譴乃詐曰蓬萊藥可得然常爲大鯨魚所苦故不得  
至願請善射與俱見則以連弩射之始皇夢與海神  
戰如人狀問占夢博士曰水神不可見以大魚蛟龍  
爲候今上禱祠備謹而有此惡神當除去而善神可  
致乃令入海者齎捕巨魚具而自以連弩候大魚出  
射之自琅邪北至榮成山弗見至之罘不見巨魚射殺  
一魚遂並海西至平原津而病始皇惡言死羣臣莫  
敢言死事上病益甚乃爲璽書賜公子扶蘇曰與喪



會咸陽而葬書已封在中車府令趙高行符璽事所未授使者七月丙寅始皇崩於沙丘平臺丞相斯爲上崩在外恐諸公子及天下有變乃祕之不發喪棺載輜涼車中故幸宦者參乘所至上食百官奏事如故宦者輒從輜涼車中可其奏事獨子胡亥趙高及所幸宦者五六人知上死趙高故嘗教胡亥書及獄律令法事胡亥私幸之高乃與公子胡亥丞相斯陰謀破去始皇所封書賜公子扶蘇者而更詐爲丞相



斯受始皇遺詔沙丘立子胡亥爲太子更爲書賜公  
子扶蘇蒙恬數以罪其賜死語具在李斯傳中行遂  
從井陘抵九原會暑上輜車臭乃詔從官令車載一  
石鮑魚以亂其臭行從直道至咸陽發喪太子胡亥  
襲位爲二世皇帝九月葬始皇酈山始皇初卽位穿  
治酈山及并天下天下徒送詣七十餘萬人穿三泉  
下銅而致椁宮觀百官奇器珍怪徙藏滿之令匠作  
機弩矢有所穿近者輒射之以水銀爲百川江河大



海機相灌輸上具天文下具地理以人魚膏爲燭度  
不滅者久之二世曰先帝後宮非有子者出焉不宜  
皆令從死死者甚衆葬既已下或言工匠爲機藏皆  
知之藏重卽泄大事畢矣藏閉中羨下外羨門盡閉  
工匠藏者無復出者樹草木以象山

二世皇帝元年年二十一趙高爲郎中令任用事二  
世下詔增始皇寢廟犧牲及山川百祀之禮令羣臣  
議尊始皇廟羣臣皆頓首言曰古者天子七廟諸侯



五大夫三雖萬世世不軼毀今始皇爲極廟四海之內皆獻貢職增犧牲禮咸備母以加先王廟或在西雍或在咸陽天子儀當獨奉酌祠始皇廟自襄公已下軼毀所置凡七廟羣臣以禮進祠以尊始皇廟爲帝者祖廟皇帝復自稱朕二世與趙高謀曰朕年少初卽位黔首未集附先帝廵行郡縣以示彊威服海內今晏然不廵行卽見弱母以臣畜天下春二世東行郡縣李斯從到碣石並海南至會稽而盡刻始皇



所立刻石石旁著大臣從者名以章先帝成功盛德  
焉。皇帝曰金石刻盡始皇帝所爲也。今襲號而金石  
刻辭不稱始皇帝其於久遠也如後嗣爲之者不稱  
成功盛德丞相臣斯臣去疾御史大夫臣德昧死言  
臣請具刻詔書刻石因明白矣。臣昧死請制曰可。遂  
至遼東而還。於是二世乃尊用趙高申法令乃陰與  
趙高謀曰大臣不服官吏尚彊及諸公子必與我爭  
爲之奈何。高曰臣固願言而未敢也。先帝之大臣皆



天下累世名貴人也。積功勞，世以相傳久矣。今高素、小賤陛下，幸稱舉，令在上位，管中事。大臣鞅鞅，特以貌從臣，其心實不服。今上何不因此時，案郡縣守尉有罪者，誅之上，以振威天下；下以除去上生平所不可者。今時不師文而決於武力，願陛下遂從時無疑。即羣臣不及謀，明主收舉餘民，賤者貴之，貧者富之，遠者近之，則上下集而國安矣。二世曰善，乃行誅大臣及諸公子，以罪過連逮，少近官三郎，無得立者。而



六公子戮死於杜。公子將閭昆弟三人囚於內宮。議其罪。獨後二世使使令將閭曰：公子不臣，罪當死，吏致法焉。將閭曰：闕庭之禮，吾未嘗敢不從賓贊也。廊廟之位，吾未嘗敢失節也。受命應對，吾未嘗敢失辭也。何謂不臣？願聞罪而死。使者曰：臣不得與謀，奉書從事。將閭乃仰天大呼天者三曰：天乎！吾無罪。昆弟三人皆流涕拔劍自殺。宗室振恐。羣臣諫者以爲誹謗。大吏持祿取容。黔首振恐。四月，二世還至咸陽，曰：



先帝爲咸陽朝廷小，故營阿房宮，爲室堂未就，會上崩，罷其作者，復土鄠山。鄠山事大畢，今釋阿房宮，弗就，則是章先帝舉事過也。復作阿房宮，外撫四夷，如始皇計，盡徵其材士五萬人，爲屯衛咸陽，令教射狗馬禽獸，當食者多，度不足，下調郡縣，轉輸菽粟芻藁，皆令自齎糧食。咸陽三百里內，不得食其穀，用法益刻深。七月，戊卒陳勝等反，故荆地爲張楚，勝自立爲楚王，居陳，遣諸將徇地山東，郡縣少年苦秦吏，皆殺



其守尉令丞反以應陳涉相立爲侯王合從西鄉名爲伐秦不可勝數也。謁者使東方來以反者聞二世二世怒下吏後使者至上問對曰羣盜郡守尉方逐捕今盡得不足憂上悅武臣自立爲趙王魏咎爲魏王田儼爲齊王沛公起沛項梁舉兵會稽郡。

二年冬陳涉所遣周章等將西至戲兵數十萬二世大驚與羣臣謀曰奈何少府章邯曰盜已至衆彊今發近縣不及矣酈山徒多請赦之授兵以擊之二世



乃大赦天下，使章邯將，擊破周章軍而走，遂殺章曹陽二世。益遣長史司馬、欣、董翳佐章邯，擊盜殺陳勝。城父破項梁，定陶滅魏咎。臨濟楚地盜名將已死，章邯乃北渡河，擊趙王歇等於鉅鹿。趙高說二世曰：「先帝臨制天下久，故羣臣不敢爲非。今陛下富於春秋，初卽位，奈何與公卿廷決事？事卽有誤，示羣臣短也。天子稱朕，固不聞聲。」於是二世常居禁中，與高決諸事。其後公卿希得朝見，盜賊益多而關中卒



慎云此進諫之辭不滿五十字而寇亂之盛虐政之弊及所以救之者皆具

發東擊盜者母已右丞相去疾左丞相斯將軍馮劫進諫曰關東羣盜並起秦發兵誅擊所殺亾甚衆然猶不止盜多皆以戍漕轉作事苦賦稅大也請且止阿房宮作者減省四邊戍轉二世曰吾聞之韓子曰堯舜采椽不刮茅茨不翦飯土墁啜土形雖監門之養不穀於此禹鑿龍門通大夏決河亭水放之海身自持築甬膠母毛臣虜之勞不烈於此矣凡所爲貴有天下者得肆意極欲主重明法下不敢爲非以制



御海內矣。夫虞夏之主，貴爲天子，親處窮苦之實，以徇百姓，尚何於法？朕尊萬乘母，其實吾欲造千乘之駕，萬乘之屬，充吾號名。且先帝起諸侯，兼天下，天下已定，外攘四夷，以安邊境，作宮室，以章得意，而君觀先帝功業有緒。今朕卽位二年之間，羣盜並起，君不能禁，又欲罷先帝之所爲，是上母以報先帝，次不爲朕盡忠力，何以在位？下去疾，斯劫吏案責他罪，去疾劫曰：「將相不辱，自殺。」斯卒囚，就五刑。



三年章邯等將其卒圍鉅鹿。楚上將軍項羽將楚卒往救鉅鹿。冬，趙高爲丞相，竟案李斯殺之。夏，章邯等戰數却。二世使人讓邯，邯恐，使長史欣請事。趙高弗見，又弗信，欣恐，亡去。高使人捕追不及。欣見邯曰：「趙高用事於中，將軍有功亦誅，無功亦誅。」項羽急擊秦軍，虜王離邯等，遂以兵降諸侯。八月己亥，趙高欲爲亂，恐羣臣不聽，乃先設驗，持鹿獻於二世，曰：「馬也。」二世笑曰：「丞相誤邪？謂鹿爲馬。」問左右，左右或默，或言



馬以阿順趙高。或言鹿者。高因陰中諸言鹿者以法。後羣臣皆畏高。高前數言關東盜毋能爲也。及項羽虜秦將王離等鉅鹿下。而前章邯等軍數却。上書請益助燕趙齊楚韓魏。皆立爲王。自關以東大氏盡畔。秦吏應諸侯。諸侯咸率其衆西鄉。沛公將數萬人已屠武關。使人私於高。高恐二世怒。誅及其身。乃謝病不朝見。二世夢白虎齧其左驂馬。殺之心不樂。怪問占夢卜。曰。涇水爲祟。二世乃齋於望夷宮。欲祠涇沈。



四白馬使使責讓高以盜賊事高懼乃陰與其壻咸陽令閻樂其弟趙成謀曰上不聽諫今事急欲歸禍於吾宗吾欲易置上更立公子嬰子嬰仁儉百姓皆載其言使郎中令爲內應詐爲有大賊令樂召吏發卒追劫樂母置高舍遣樂將吏卒千餘人至望夷宮殿門縛衛令僕射曰賊入此何不止衛令曰周廬設卒甚謹安得賊敢入宮樂遂斬衛令直將吏入行射郎宦者大驚或走或格格者輒死死者數十人郎中



令與樂俱入射上幄坐幃二世怒召左右左右皆惶  
擾不鬪旁有宦者一人侍不敢去二世入內謂曰公  
何不蚤告我乃至於此宦者曰臣不敢言故得全使  
臣蚤言皆已誅安得至今閻樂前即二世數曰足下  
驕恣誅殺無道天下其畔足下足下其自爲計二世  
曰丞相可得見否樂曰不可二世曰吾願得一郡爲  
王弗許又曰願爲萬戶侯弗許曰願與妻子爲黔首  
比諸公子閻樂曰臣受命於丞相爲天下誅足下足



下雖多言臣不敢報麾其兵進二世自殺閭樂歸報  
趙高趙高乃悉召諸大臣公子告以誅二世之狀曰  
秦故王國始皇君天下故稱帝今六國復自立秦地  
益小乃以空名爲帝不可宜爲王如故便立二世之  
兄子公子嬰爲秦王以黔首葬二世杜南宜春苑中  
令子嬰齋當廟見受玉璽齋五日子嬰與其子二人  
謀曰丞相高殺二世望夷宮恐羣臣誅之乃詐以義  
立我我聞趙高乃與楚約滅秦宗室而王關中今使



我齋見廟此欲因廟中殺我我稱病不行丞相必自  
來來則殺之高使人請子嬰數輩子嬰不行高果自  
往日宗廟重事王奈何不行子嬰遂刺殺高於齋宮  
三族高家以徇咸陽子嬰爲秦王四十六日楚將沛  
公破秦軍入武關遂至霸上使人約降子嬰子嬰卽  
係頸以組白馬素車奉天子璽符降軹道旁沛公遂  
入咸陽封宮室府庫還軍霸上居月餘諸侯兵至項  
籍爲從長殺子嬰及秦諸公子宗族遂屠咸陽燒其



宮室虜其子女、收其珍寶貨財、諸侯共分之、滅秦之  
後、各分其地為三名、曰雍王、塞王、翟王、號曰三秦、項  
羽為西楚霸王、主命分天下王諸侯、秦竟滅矣、後五  
年、天下定於漢、

太史公曰、秦之先、伯翳嘗有勳於唐虞之際、受土賜

二〇字〇句

姓、及殷夏之間、微散至周之衰、秦興、邑于西垂、自繆

公以來、稍蠶食諸侯、竟成始皇、始皇自以為功過五

而、羞、侔、之、乎、此〇〇、秦、大、原

有味

帝、地廣二王、而羞與之侔、善哉乎賈生推言之也、曰、



秦并兼諸侯山東三十餘郡、繕津關、據險塞、修甲兵、而守之、然陳涉以戍卒散亂之衆數百、奮臂大呼、不用弓戟之兵、鉏耰白梃、望屋而食、橫行天下、秦人阻險不守、關梁不闔、長戟不刺、彊弩不射、楚師深入、戰於鴻門、曾無藩籬之艱、於是山東大擾、諸侯並起、豪俊相立、秦使章邯將而東征、章邯因以三軍之衆要市於外、以謀其上、羣臣之不信、可見於此矣、子嬰立、遂不寤、藉使子嬰有庸主之材、僅得中佐、山東雖亂、



又將秦地覆  
說一遍

秦之地可全而有宗廟之祀未當絕也秦地被山帶  
河以爲固四塞之國也自繆公以來至於秦王二十  
餘君常爲諸侯雄豈世世賢哉其勢居然也且天下  
嘗同心并力而攻秦矣當此之世賢智並列良將行  
其師賢相通其謀然困於阻險而不能進秦乃延入  
戰而爲之開關百萬之徒逃北而遂壞豈勇力智慧  
不足哉形不利勢不便也秦小邑并大城守險塞而  
軍高壘毋戰閉關據扼荷戟而守之諸侯起於匹夫



正解上二段

語有之曰殺  
誅臣者亡秦

以利合、非有素王之行也、其交未親、其下未附、名爲  
亡秦、其實利之也、彼見秦阻之難犯也、必退師安土、  
息民以待其敝、收弱扶罷、以令大國之君、不患不得  
意於海內、貴爲天子、富有天下、而身爲禽者、其救敗  
不盡非也、秦王足已不問、遂過而不變、二世受之、因而不  
改、暴虐以重禍、子嬰孤立無親、危弱無輔、三主惑而  
終身不悟、亡不亦宜乎、當此時也、世非無深慮知化  
之士也、然所以不敢盡忠拂過者、秦俗多忌諱之禁、

又含佳



禍莫大於此  
與本贊指合  
故以爲上篇

證

忠言未卒於口、而身爲戮沒矣。故使天下之士傾耳  
而聽、重足而立、捫口而不言。是以三主失道、忠臣不  
敢諫、智士不敢謀。天下已亂、奸不上聞、豈不哀哉！先  
王知雍蔽之傷國也、故置公卿大夫士、以飾法設刑、  
而天下治。其彊也、禁暴誅亂、而天下服。其弱也、五伯  
征而諸侯從、其削也、內守外附、而社稷存。故秦之盛  
也、繁法嚴刑、而天下振。及其衰也、百姓怨望、而海內  
畔矣。故周五序得其道、而千餘歲不絕。秦本末並失、



平篇

氣勢壯美

秦鞅只是疾  
耕力戰以致

富強外用衡  
士愚列國使

故不長久。由此觀之。安危之統。相去遠矣。野諺曰。前  
 事之不忘。後事之師也。是以君子為國。觀之上古。驗  
 之當世。參以人事。察盛衰之理。審權勢之宜。去就有  
 序。變化有時。故曠日長久而社稷安矣。秦孝公據殽  
 函之固。擁雍州之地。君臣固守而窺周室。有席卷天  
 下。包舉宇內。囊括四海之意。并吞八荒之心。當是時  
 商君佐之內。立法度。務耕織。修守戰之備。外連衡而  
 關諸侯。於是秦人拱手而取西河之外。孝公既沒。惠

十五字 馮句

六字 句對止

如截奔馬



自相鬪而歸  
秦二語道盡

司馬錯強秦

變而從

揚

王武王蒙故業、因遺冊、南兼漢中、西舉巴蜀、東割膏腴之地、收要害之郡、諸侯恐懼、會盟而謀、弱秦不愛珍器重寶、肥美之地、以致天下之士、合從締交、相與爲一、當是時、齊有孟嘗、趙有平原、楚有春申、魏有信陵、此四君者、皆明知而忠信、寬厚而愛人、尊賢重士、約從離衡、并韓魏、燕楚、齊趙、宋衛、中山之衆、於是六國之士、有寧越、徐尚、蘇秦、杜赫之屬、爲之謀、齊明周最、陳軫、昭滑、樓緩、翟景、蘇厲、樂毅之徒、通其意、吳起



叙六國雲屯

波翻秦只開

閉延敵四字

屹如砥柱截

斷萬流妙甚

忽抑

又一變而割地

遠交近攻惟

所欲爲

孝公席卷囊

括并吞之意

孫臏帶佗兒良王廖田忌廉頗趙奢之朋制其兵常  
以十倍之地百萬之衆叩關而攻秦秦人開關延敵  
九國之師逡巡遁逃而不敢進秦無亡矢遺鏃之費  
而天下諸侯已困矣於是從散約解爭割地而奉秦  
秦有餘力而制其敝追亡逐北伏尸百萬流血漂鹵  
因利乘便宰割天下分裂河山疆國請服弱國入朝  
延及孝文王莊襄王享國之淺國家無事及至秦王  
續六世之餘烈振長策而御宇內吞二周而亡諸侯



至是重價

此上論秦據形  
勢之強有兼  
之心攻戰之累  
故雖仁誼不施  
而攻之執恒在  
焉竭天下之力  
不能弱秦而卒  
以破亡矣及天  
下已定不能順  
守復不施仁誼  
憑怙險固苟尚  
變詐務愚黔首  
務弱天下以自  
雄智莫不知守

履至尊而制六合執極拊以鞭笞天下威振四海南  
取百越之地以爲桂林象郡百越之君俛首係頸委  
命下吏乃使蒙恬北築長城而守藩籬却匈奴七百  
餘里胡人不敢南下而牧馬義士不敢彎弓而報怨  
於是廢先王之道焚百家之言以愚黔首墮名城殺  
豪俊收天下之兵聚之咸陽銷鋒鑄鐻以爲金人十  
二以弱黔首之民然後斬華爲城因河爲津據億丈  
之城臨不測之谿以爲固良將勁弩守要害之處信



之与攻異執也  
安得不亡

應前孝公一

段

抑

文勢開闔抑  
揚有無旁之  
妙反對短氣  
執相宜長短  
相符甚整然  
而渾無痕迹

忽揚

史記內編 卷一

臣精卒陳利兵而誰何天下以定秦王之心自以為

關中之固金城千里子孫帝王萬世之業也秦王既

委迴

反對前六句

沒餘威振於殊俗陳涉壘牖繩樞之子阡隸之人而

遷徙之徒才能不及中人非有仲尼墨翟之賢陶朱

猗頓之富躡足行伍之間而偶起什伯之中率罷散

之卒將數百之衆而轉攻秦斬木爲兵揭竿爲旗天

下雲集響應贏糧而景從山東豪俊遂並起而亡秦

反覆議論

族矣且夫天下非小弱也雍州之地殽函之固自若



又翻一段波  
瀾放教到極  
險處方結

一篇鋪叙秦事  
只歸天下非小  
弱一段此段又  
反覆論難只歸

也陳涉之位非尊於齊楚燕趙韓魏宋衛中山之君  
鉏耰棘矜非鏃於句戟長鎗也適戍之衆非抗於九  
國之師深謀遠慮行軍用兵之道非及鄉時之士也  
然而成敗異變功業相反也試使山東之國與陳涉  
度長絜大比權量力則不可同年而語矣然秦以區  
區之地千乘之權招八州而朝同列百有餘年矣然  
後以六合爲家殽函爲宮一夫作難而七廟墮身死  
人手爲天下笑者何也仁義不施而攻守之勢異也



仁誼不施二語

譬之萬川九河

注之一壑可謂

一囊括六合矣

後篇整然二段

直識治本

民情

止叙始皇之

失

秦并海內兼諸侯南面稱帝以養四海天下之士斐然鄉風若是者何也曰近古之無王者久矣周室卑微五霸既歿令不行於天下是以諸侯力政疆侵弱衆暴寡兵革不休士民罷敝今秦南面而王天下是上有天子也既元元之民冀得安其性命莫不虛心而仰上當此之時守威定功安危之本在於此矣秦王懷貪鄙之心行自奮之智不信功臣不親士民廢王道立私權禁文書而酷刑法先詐力而後仁義以



友出一條活  
路少

民情

暴虐爲天下始。夫弁兼者高詐力安定者貴順權此  
言取與守不同術也。秦離戰國而王天下其道不易  
其政不改是其所以取之守之者異也。孤獨而有之  
故其亾可立而待。借使秦王計上世之事。並殷周之  
迹以制御其政。後雖有淫驕之主。而未有傾危之患  
也。故三王之建天下。名號顯美功業長久。今秦二世  
立天下莫不引領而觀其政。天寒者利襦褐而饑者  
甘糟糠。天下之磬磬新主之資也。此言勞民之易爲



先活路長

史記內編

卷一

仁也。鄉使二世有庸主之行，而任忠賢，臣主一心而憂海內之患，綈素而正先帝之過，裂地分民以封功臣之後，建國立君，以禮天下，虛囹圄而免刑戮，除去收帑汙穢之罪，使各反其鄉里，發倉廩，散財幣，以振孤獨，窮困之士，輕賦少事，以佐百姓之急，約法省刑，以持其後，使天下之人皆得自新，更節修行，各慎其身，塞萬民之望，而以威德與天下，天下集矣。即四海之內，皆謹然各自安樂其處，唯恐有變，雖有狡猾之



正叙二世之  
失

民無離上之心，則不軌之臣無以飾其智而暴亂之  
姦止矣。二世不行此術，而重之以無道，壞宗廟與民  
更始，作阿房宮，繁刑嚴誅，吏治刻深，賞罰不當，賦斂  
無度，天下多事，吏弗能紀，百姓困窮，而主弗收恤，然  
後姦僞並起，而上下相遁，蒙罪者衆，刑戮相望於道，  
而天下苦之。自君卿以下，至于衆庶，人懷自危之心，  
親處窮苦之實，咸不安其位，故易動也。是以陳涉不  
用湯武之賢，不藉公侯之尊，奮臂於大澤，而天下響



應者其民危也。故先王見始終之變，知存亡之機，是以牧民之道，務在安之而已。天下雖有逆行之臣，必無響應之助矣。故曰：安民可與行義，而危民易與爲非。此之謂也。貴爲天子，富有天下，身不免於戮殺者，正傾非也。是二世之過也。



項羽本紀

項籍者下相人也字羽。初起時年二十四。其季父項

梁

梁父即楚將項燕為秦將王翦所戮者也。項氏世

伏

世為楚將封於項故姓項氏。項籍少時學書不成去

寫籍

信有氣但每  
事不了

學劍又不成。項梁怒之籍曰書足以記名姓而已。劍

一人敵不足學。學萬人敵。於是項梁乃教籍兵法籍

傳神

大喜畧知其意又不肯竟學。項梁嘗有櫟陽逮也錄乃

伏

請斬獄掾曹咎書抵櫟陽獄掾司馬欣以故事得已。

遂殺出項



項梁殺人與籍避仇於吳中吳中賢士大夫皆出項

寫梁

梁下每吳中有大繇役及喪項梁常爲主辦陰以與

法部勒賓客及子弟以是知其能秦始皇帝游會稽

渡浙江梁與籍俱觀籍曰彼可取而代也梁掩其口

曰毋妄言族矣梁以此奇籍籍長八尺餘力能扛鼎

奇籍悍籍兩層頓挫

才氣過人雖吳中子弟皆已憚籍矣秦二世元年七

月陳涉等起大澤中其九月會稽守通謂梁曰江西

皆反此亦天亡秦之時也吾聞先即制人後則爲人

守蓋秦吏之貪戾者殊造次又不量力不知人宜及難也



梁亦造次然  
非平日能警  
衆心不能可  
謂挫奉白奪

此八千人竟  
從籍至垓下

所制吾欲發兵使公及桓楚將是時桓楚亾在澤中  
梁曰桓楚亾人莫知其處獨籍知之耳梁乃出誠籍  
持劔居外待梁復入與守坐曰請召籍使受命召桓  
楚守曰諾梁召籍入須臾梁眴籍曰可行矣於是籍  
遂拔劔斬守頭項梁持守頭佩其印綬門下大驚擾  
亂籍所擊殺數十百人一府中皆惴伏莫敢起梁乃  
召故所知豪吏諭以所爲起大事遂舉吳中兵使人  
收下縣得精兵八千人梁部署吳中豪傑爲較尉候

三字首尾呼應



胸中殊了了  
不苟

劉須溪云此  
召平不自了  
事乃能作此  
度格奇事所  
以發亡秦之  
蹤在此

司馬有一人不得用自言於梁梁曰前時某喪使公  
為兵法師し勅し生し也  
主某事不能辦以此不任用公衆乃皆伏於是梁為  
會稽守籍為裨將狗下縣廣陵人召平於是為陳王  
狗廣陵未能下聞陳王敗走秦兵又且至乃渡江矯  
陳王命拜梁為楚王上柱國曰江東已定急引兵西  
擊秦項梁乃以八千人渡江而西西○字○分明聞陳嬰已下東陽  
使使欲與連和俱西陳嬰者故東陽令史居縣中素  
信謹稱為長者東陽少年殺其令相聚數千人欲置



長無適用乃請陳嬰嬰謝不能遂彊立嬰爲長縣中

從者得二萬人少年欲立嬰便爲王異軍蒼頭特起

核寫一時神率

陳嬰母謂嬰曰自我爲汝家婦未嘗聞汝先古之有  
貴者今暴得大名不祥不如有所屬事成猶得封侯  
事敗易以亡非世所指名也嬰乃不敢爲王謂其軍

吏曰項氏世世將家有名於楚今欲舉大事將非其

人不可我倚名族亡秦必矣於是衆從其言以兵屬

項梁項梁渡淮黥布蒲將軍亦以兵屬焉凡六七萬

嬰衆二萬梁  
初從子弟直  
八千人乃能  
爲衆所屬如



此

史記內編

卷一

人軍下。項當是時，秦嘉已立景駒爲楚王，軍彭城東。欲距項梁。項梁謂軍吏曰：「陳王先首事，戰不利，未聞所在。」今秦嘉倍陳王而立景駒，逆無道，乃進兵擊秦嘉。秦嘉軍敗，走追之至胡陵。嘉還戰，一日，嘉死，軍降。景駒走死梁地。項梁已弑秦嘉軍，軍胡陵，將引軍而西。章邯軍至栗，項梁使別將朱雞石、餘樊君與戰。餘樊君死，朱雞石軍敗，亡走胡陵。項梁乃引兵入薛，誅雞石。項梁前使項羽別攻襄城，襄城堅守不下，已拔。

兵法



皆阮之還報項梁昭未聞所在項梁聞陳王定死召諸別將會薛

忽入奴

計事此時沛公亦起沛往焉居鄆人范增年七十素

居家好奇計往說項梁曰陳勝敗固當夫秦滅六國

楚最無罪自懷王入秦不反楚人憐之至今故楚南

公曰楚雖三戶公秦必楚也今陳勝首事不立楚後

而自立其勢不長今君起江東楚蠭起之將皆爭附

君者以君世世楚將爲能復立楚之後也於是項梁

然其言乃求楚懷王孫心民間爲人牧犖立以爲楚



懷王從民所望也。陳嬰爲楚上柱國，封五縣，與懷王都盱台。項梁自號爲武信君，居數月，引兵攻元父，與齊田榮司馬龍且軍救東阿，大破秦軍於東阿。田榮別欲二田，始末爲後張，本即引兵歸逐其王假，假亡走楚。假相田角亡走趙，角亡趙故。

弟田間故齊將，居趙不敢歸。田榮立田儋子市爲齊

王。項梁已破東阿，下軍逐追秦軍，數使使趣齊兵，欲

與俱西。田榮曰：「楚殺田假，趙殺田角，田間乃發兵，項

梁曰：「田假爲與國之王，窮來從我，我不忍殺之。趙亦不

齊楚相仇之案

明



數語萬鈞

名言

殺田角田間以市於齊齊遂不肯發兵助楚項梁使

沛公及項羽別攻城陽屠之西破秦軍濮陽東秦兵

收入濮陽沛公項羽乃攻定陶定陶未下去西畧地

至離丘大破秦軍斬李由還攻外黃外黃未下項梁

起東阿西北至定陶再破秦軍項羽等又斬李由益

輕秦有驕色宋義乃諫項梁曰戰勝而將驕卒惰者

敗今卒少惰矣秦兵日益臣爲君畏之項梁弗聽乃

使宋義使於齊道遇齊使者高陵君顯曰公將見武



是時楚方震  
疊倘滅之後  
往如燦毛矣  
此成敗大幾

信君乎曰然曰臣論武信君軍必敗公徐行即免死  
疾行則及禍秦果悉起兵益章邯擊楚軍大破之定  
陶項梁死沛公項羽去外黃攻陳留陳留堅守不能  
下沛公項羽相與謀曰今項梁軍破士卒恐乃與呂  
臣軍俱引兵而東呂臣軍彭城東項羽軍彭城西沛  
公軍碭章邯已破項梁軍則以爲楚地兵不足憂乃  
渡河擊趙大破之當此時趙歇爲王陳餘爲將張耳  
爲相皆走入鉅鹿城章邯令王離涉間圍鉅鹿章邯

東字分明

邯又驕



着

軍其南築甬道而輸之粟陳餘爲將將卒數萬人而  
軍鉅鹿之北此所謂河北之軍也埋楚兵已破於定陶  
懷王恐從盱台之彭城分項羽呂臣軍自將之以呂  
臣爲司徒以其父呂青爲令尹以沛公爲碭郡長封  
爲武安侯將碭郡兵初宋義所遇齊使者高陵君顯  
在楚軍見楚王曰宋義論武信君之軍必敗居數日  
軍果敗兵未戰而先見敗徵此可謂知兵矣王召宋  
義與計事而大說之因置以爲上將軍項羽爲魯公



正面折折破

爲次將范增爲末將救趙諸別將皆屬宋義號爲卿  
子冠軍行至安陽留四十六日不進項羽曰吾聞秦  
軍圍趙王鉅鹿疾引兵渡河楚擊其外趙應其內破  
秦軍必矣宋義曰不然夫搏牛之蝱不可以破蟣蝨  
今秦攻趙戰勝則兵罷我承其敝不勝則我引兵鼓  
行而西必舉秦矣故不如先鬪秦趙天被堅執銳義  
不如公坐而運策公不如義因下令軍中曰猛如虎  
狠如羊貪如狼彊不可使者皆斬之乃遣其子宋襄

勝心爭氣勃  
然語又激皆

取禍之道



又顧私失士卒心

羽責義策事乃得事幾又激人心使之怒生氣勃然

文勢

相齊身送之至無鹽飲酒高會天寒大雨士卒凍餒  
項羽曰將戮力而攻秦久留不行今歲饑民貧士卒  
食芋菽軍無見糧乃飲酒高會不引兵渡河因趙食  
與趙并力攻秦乃曰承其敝天以秦之彊攻新造之  
趙其勢必舉趙趙舉而秦彊何敝之承且國兵新破  
王坐不安席埽境內而專屬於將軍國家安危在此  
一舉今不恤士卒而徇其私非社稷之臣項羽晨朝  
上將軍宋義卽其帳中斬宋義頭出令軍中曰宋義



貞猛如虎  
狼如羊貪如狼  
強不可使

與齊謀反楚楚王陰令羽誅之當是時諸將皆懼服  
莫敢枝梧皆曰自立楚者將軍家也今將軍誅亂乃  
相與共立羽爲假上將軍使人追宋義子及之齊殺  
之使桓楚報命於懷王懷王因使項羽爲上將軍當  
陽君蒲將軍皆屬項羽項羽已殺卿子冠軍威震楚  
國名聞諸侯乃遣當陽君蒲將軍將卒二萬渡河救  
鉅鹿戰少利陳餘復請兵項羽乃悉引兵渡河皆沈  
船破釜餽燒廬舍持三日糧以示士卒必死無一還



須溪云戰白  
青勝焉得警  
動極羽平生

吳草廬云下  
三無不字喚  
起精神漢書  
去後二無不  
字遂乏氣韻

心於是至則圍王離與秦軍遇九戰絕其甬道大破  
之殺蘇角虜王離涉間不降楚自燒殺當是時楚兵  
冠諸侯諸侯軍救鉅鹿下者十餘壁莫敢縱兵及楚  
擊秦諸將皆從壁上觀楚戰士無不一以當十楚兵  
呼聲動天諸侯軍無不人人惴恐於是已破秦軍項  
羽召見諸侯將入轅門無不膝行而前莫敢仰視項  
羽由是始為諸侯上將軍諸侯皆屬焉章邯軍棘原  
項羽軍漳南相持未戰秦軍數却二世使人讓章邯



短  
柱乃長

長

章邯恐使長史欣請事至咸陽，留司馬門三日。趙高不見，有不信之心。長史欣恐，還走其軍，不敢出故道。趙高果使人追之，不及。欣至軍，報曰：「趙高用事於中，下無可爲者。」今戰能勝，高必疾妒吾功，戰不能勝，不免於死。願將軍孰計之。」陳餘亦遺章邯書曰：「白起爲秦將，南征鄢郢，北阮馬服，攻城畧地，不可勝計，而竟賜死。蒙恬爲秦將，北逐戎人，開榆中地數千里，竟斬陽周。何者？功多秦不能盡封，因以法誅之。今將軍爲



注乃八字

陳餘書通與  
長史言令事  
理曉然

秦將三歲矣所亡失以十萬數而諸侯並起滋益多  
彼趙高素諛日久今事急亦恐二世誅之故欲以法  
誅將軍以塞責使人更代將軍以脫其禍夫將軍居  
外久多內卻有功亦誅無功亦誅且天之亡秦無愚  
智皆知之今將軍內不能直諫外爲亡國將孤特獨  
立而欲常存豈不哀哉將軍何不還兵與諸侯爲從  
約共攻秦分王其地南面稱孤此孰與身伏鈇質妻  
子爲僇乎章邯狐疑陰使候始成使項羽欲約約未



速之成甚喜

欣與梁有故  
又說高故使  
將後竟使王

叙樂原曲折

成項羽使蒲將軍日夜引兵渡三戶軍漳南與秦戰  
再破之項羽悉引兵擊秦軍汙水上大破之章邯使  
人見項羽欲約項羽召軍吏謀曰糧少欲聽其約軍  
吏皆曰善項羽乃與期洹水南殷虛上已盟章邯見  
項羽而流涕爲言趙高項羽乃立章邯爲雍王置楚  
軍中使長史欣爲上將軍將秦軍爲前行到新安諸  
侯吏卒異時故繇使屯戍過秦中秦中吏卒遇之多  
無狀及秦軍降諸侯諸侯吏卒乘勝多奴虜使之輕



說禍機瞭然

哀哉二十萬  
人之命第秦  
上首功亦反  
覆之理則然

折辱秦吏卒。秦吏卒多竊言曰：章將軍等詐吾屬，陰諸侯。今能入關破秦，大善。即不能，諸侯虜吾屬而東秦，必盡誅吾父母妻子。諸將微聞其計，以告項羽。項羽乃召黥布、蒲將軍計曰：秦吏卒尚衆，其心不服，至關中不聽事，必危。不如擊殺之，而獨與章邯、長史欣、都尉翳入秦。於是楚軍夜擊阬秦卒二十餘萬人新安城南，行畧定秦地。函谷關有兵守關，不得入。又聞沛公已破咸陽，項羽大怒，使當陽君等擊關，項羽遂



未見能奇者

項王底許人

堪輔以大事

沛公志意如

此豈可擊况

天之所興其

入至于戲西沛公軍霸上未得與項羽相見沛公左  
司馬曹無傷使人言於項羽曰沛公欲王關中使子  
嬰爲相珍寶盡有之項羽大怒曰旦日饗士卒爲擊  
破沛公軍當是時項羽兵四十萬在新豐鴻門沛公  
兵十萬在霸上范增說項羽曰沛公居山東時貪於  
財貨好美姬今入關財物無所取婦女無所幸此其  
志不在小吾令人望其氣皆爲龍虎成五采此天子  
氣也急擊勿失楚左尹項伯者項羽季父也素善



之  
元見誰能

侯張良張良是時從沛公項伯乃夜馳之沛公軍秋

見張良具告以事欲呼張良與俱去曰毋從俱死也

張良曰臣爲韓王送沛公沛公今事有急亡去不義

不可不誣良乃入具告沛公沛公大驚曰爲之奈何

張良曰誰爲大王爲此計者曰音輒鯀生說我曰距關毋

內諸侯秦地可盡王也故聽之良曰料大王士卒足

彼已

明人一點便動

以當項王乎沛公默然曰固不如也且爲之奈何張

不能抗獨下之身與爲質

此問

良曰請往謂項伯言沛公不敢背項王也沛公曰君



最○善○托○生○死○索○大○事

項伯有故張良曰秦時與臣游項伯殺人臣活

便知可托死生

真如轉丸到  
急時智如湧

今事有急故幸來告良沛公曰孰與君少長良曰

泉真千載少

見

長於臣沛公曰君爲我呼入吾得兄事之張良出要

項伯項伯即入見沛公沛公奉卮酒爲壽約爲婚姻

曰吾入關秋毫不敢有所近籍吏民封府庫以待將

軍所以遣將守關者備他盜之出入與非常也臣夜

望將軍至豈敢反乎願伯具言臣之不敢倍德也項

伯許諾謂沛公曰旦日不可不蚤自來謝項王沛公

須溪云項王  
爲人不忍於



此可見此項伯之所以敢  
諸范增之所  
以不敢怒也

先入之言

曰諾於是項伯復夜去至軍中具以沛公言報項王  
因言曰沛公不先破關中公豈敢入乎今人有大功  
而擊之不義也不如因善遇之項王許諾沛公旦日  
從百餘騎來見項王至鴻門謝曰臣與將軍戮力而  
攻秦將軍戰河北臣戰河南然不自意能先入關破  
秦得復見將軍於此今者有小人之言令將軍與臣  
有卻項王曰此沛公左司馬曹無傷言之不然籍何  
以至此項王即日因留沛公與飲項王項伯東嚮坐



須溪云叙漢

項曾鴻門事

以十分筆力

模寫當時事

情歷上如目

見無毫髮遺

恨

李元陽曰則

入則字文法

自周書來

乃出呼噲

亞父南嚮坐亞父者范增也沛公北嚮坐張良西嚮

侍范增數目項王舉所佩玉玦以示之者三項王默

又尋計

然不應范增起出召項莊謂曰君王為人不忍若人

又危

前為壽壽畢請以劍舞因擊沛公於坐殺之不省若

屬皆且為所虜莊則入為壽壽畢曰君王與沛公飲

軍中無以為樂請以劍舞項王曰諾項莊拔劍起舞

賴有此

項伯亦拔劍起舞常以身翼蔽沛公莊不得擊於是

張良至軍門見樊噲樊噲曰今日之事何如良曰臣死且不避



急○今○者○項○莊○拔○劍○舞○其○意○常○在○沛○公○也○噲○曰○此○迫○矣○

臣○請○入○與○之○同○命○噲○即○帶○劍○擁○盾○入○軍○門○

盾即干狀  
如今團牌

所以衛  
身者

交○戟○之○衛○士○欲○止○不○內○樊○噲○側○其○盾○以○撞○衛○

士○仆○地○噲○遂○入○披○帷○西○嚮○立○瞋○目○視○項○王○頭○髮○上○指○

起敬

目○眦○盡○裂○項○王○按○劍○而○跽○曰○客○何○爲○者○張○良○曰○沛○公○

之○叅○乘○樊○噲○者○也○項○王○曰○壯○士○賜○之○卮○酒○則○與○卮○

酒○噲○拜○謝○起○立○而○飲○之○項○王○曰○賜○之○彘○肩○則○與○一○生○

彘○肩○樊○噲○覆○其○盾○於○地○加○彘○肩○上○拔○劍○切○而○啗○之○項○



經沛公前語

王曰壯士能復飲乎樊噲曰臣死且不避卮酒安足辭○天○秦○王○有○虎○狼○之○心○殺○人○如○不○能○舉○刑○人○如○恐○不○勝○天○下○皆○叛○之○懷○王○與○諸○將○約○曰○先○破○秦○入○咸○陽○者○王○之○今○沛○公○先○破○秦○入○咸○陽○毫○毛○不○敢○有○所○近○封○閉○宮○室○還○軍○霸○上○以○待○大○王○來○故○遣○將○守○關○者○備○他○盜○出○入○與○非○常○也○勞○苦○而○功○高○如○此○未○有○封○侯○之○賞○而○聽○細○說○欲○誅○有○功○之○人○此○臣○秦○之○續○耳○竊○爲○大○王○不○取○也○項○王○未○有○以○應○曰○坐○樊○噲○從○良○坐○坐○須○臾○沛○公○

是時項羽怒  
本解又見噲

氣壯辭直不

能不屈服



程是

潛於九地之下

起如廁因招樊噲出沛公已出項王使都尉陳平召沛公沛公曰今者出未辭也爲之奈何樊噲曰大行不顧細謹大禮不辭小讓如今人方爲刀俎我爲魚肉何辭爲於是遂去乃令張良留謝良問曰大王來何操曰我持白璧一雙欲獻項王玉斗一雙欲與亞父會其怒不敢獻公爲我獻之張良曰謹諾當是時項王軍在鴻門下沛公軍在霸上相去四十里沛公則置車騎脫身獨騎與樊噲夏侯嬰靳彊紀信等四

示沛公未動

成禮乃可庶平其怒



致恭皆從句  
踐泥蠡策中  
流出

人持劍盾步走從酈山下道芷陽間行沛公謂張良  
曰從此道至吾軍不過二十里耳度我至軍中公乃  
入沛公已去間至軍中張良入謝曰沛公不勝楮杓  
不能辭謹使臣良奉白璧一雙再拜獻大王足下王  
曰一雙再拜奉大將軍足下項王曰沛公安在良曰  
聞大王有意督過之脫身獨去已至軍矣項王則受  
璧置之坐上亞父受玉斗置之地拔劍撞而破之曰  
唉豎子不足與謀奪項王天下者必沛公也吾屬今



易所謂履虎  
尾不噬人者  
也危哉危哉  
幾不免虎口

先懷王

前語  
爲之虜矣沛公至軍立誅殺曹無傷居數日項羽引  
兵西屠咸陽殺秦降王子嬰燒秦宮室火三月不滅  
收其貨寶婦女而東人或說項王曰關中阻山河四  
塞地肥饒可都以霸項王見秦宮室皆以燒殘破又  
心懷思欲東歸曰富貴不歸故鄉如衣繡夜行誰知  
之者說者曰人言楚人沐猴而冠耳果然項王聞之  
烹說者項王使人致命懷王懷王曰如約乃尊懷王  
爲義帝項王欲自王先王諸將相謂曰天下初發難



數折意數語  
盡之古甚

次漢

連帶三秦王

時假立諸侯後以伐秦然身被堅執銳首事暴露於  
野三年滅秦定天下者皆將相諸君與籍之力也義  
帝雖無功故當分其地而王之諸將皆曰善乃分天  
下立諸將爲侯王項王范增疑沛公之有天下業已  
講解又惡負約恐諸侯叛之乃陰謀曰巴蜀道險秦  
之遷人皆居蜀乃曰巴蜀亦關中地也故立沛公爲  
漢王王巴蜀漢中都南鄭而三分關中王秦降將以  
距塞漢王項王乃立章邯爲雍王王咸陽以西



丘長史欣者故爲櫟陽獄掾嘗有德於項梁都尉董  
翳者本勸章邯降楚故立司馬欣爲塞王王咸陽以  
東至河都櫟陽立董翳爲翟王王上郡都高奴徙魏  
王豹爲西魏王王河東都平陽瑕丘申陽者張耳嬖  
臣也先下河南郡迎楚河上故立申陽爲河南王都  
雒陽韓王成因故都都陽翟趙將司馬卬定河內數  
有功故立卬爲殷王王河內都朝歌徙趙王歇爲代  
王趙相張耳素驥又從入關故立耳爲常山王王趙



地都襄國當陽君黥布爲楚將常冠軍故立布爲九江王都六鄱君吳芮率百越佐諸侯又從入關故立芮爲衡山王都邾義帝柱國共敖將兵擊南郡功多因立敖爲臨江王都江陵徙燕王韓廣爲遼東王燕將臧荼從楚救趙因從入關故立荼爲燕王都薊徙齊王田市爲膠東王齊將田都從共救趙因從入關故立都爲齊王都臨菑故秦所滅齊王建孫田安項羽方渡河救趙田安下濟北數城引其兵降項羽故



一田榮不封  
便生許大變  
此故先考之

犯者

立安爲濟北王都博陽田榮者數召項梁又不肯將  
兵從楚擊秦以故不封成安君陳餘棄將印去不從  
入關然素聞其賢有功於趙聞其在南皮故因環封  
三縣番君將梅鋗功多故封十萬戶侯項王自立爲  
西楚霸王王九郡都彭城漢之元年四月諸侯罷戲  
下各就國項王出之國使人徙義帝曰古之帝者地  
方千里必居上游乃使徙義帝長沙郴縣趣義帝  
行其羣臣稍稍背叛之乃陰令衡山臨江王擊殺之



又犯霜斷途  
子房歸路

一滅秦易  
為卒難

江中韓王成無軍功項王不使之國與俱至彭城廢  
以為侯已又殺之臧荼之國因逐韓廣之遼東廣弗  
聽荼擊殺廣無終并王其地田榮聞項羽徙齊王市  
膠東而立齊將田都為齊王乃大怒不肯遣齊王之  
膠東因以齊反迎擊田都田都走楚齊王市畏項王  
乃亡之膠東就國田榮怒追擊殺之即墨榮因自立  
為齊王而西擊殺濟北王田安并王三齊三齊記曰  
右即墨中  
臨菑左平陸  
謂之三齊  
榮與彭越將軍印令反梁地陳餘陰使



看他綜絡齊  
趙梁漢分應  
長短錯最妙

張同夏說說齊王田榮曰項羽爲天下宰不平今盡  
王故王於醜地而王其羣臣諸將善地逐其故主趙  
王乃北居代餘以爲不可聞大王起兵且不聽不義  
願大王資餘兵請以擊常山以復趙王請以國爲扞  
蔽齊王許之因遣兵之趙陳餘悉發三縣兵與齊并  
力擊常山大破之張耳走歸漢陳餘迎故趙王歇於  
代反之趙趙王因立陳餘爲代王是時漢還定三秦  
項羽聞漢王皆已并關中且東齊趙叛之大怒乃以



項溪曰子房  
妹在并反書  
以聞使羽語  
齊本此

故吳令鄭昌爲韓王以距漢令蕭公角等擊彭越彭  
越敗蕭公角等漢使張良徇韓乃遺項王書曰漢王  
失職欲得關中如約即止不敢東又以齊梁反書遺  
項王曰齊欲與趙并滅楚楚以此故無西意而北擊  
齊徵兵九江王布布稱疾不往使將將數千人行項  
王由此怨布也漢之二年冬項羽遂北至城陽田榮  
亦將兵會戰田榮不勝走至平原平原民殺之遂北  
燒夷齊城郭室屋皆阮田榮降卒係虜其老弱婦女



文主項

君在外國都  
破天下揆手  
定矣乃肆意  
宴樂故卒有  
睢水之厄大  
誤大誤

徇齊至北海多所殘滅齊人相聚而叛之於是田榮  
弟田橫收齊亡卒得數萬人反城陽項王因留連戰  
未能下春漢王部五諸侯兵凡五十六萬人東伐楚  
項王聞之即令諸將擊齊而自以精兵三萬人南從  
魯出胡陵四月漢皆已入彭城收其貨寶美人日置  
酒高會項王乃西從蕭晨擊漢軍而東至彭城日中  
大破漢軍漢軍皆走相隨入穀泗水殺漢卒十餘萬  
人漢卒皆南走山楚又追擊至靈壁東睢水上漢軍



史記卷一百一十五  
殺二十餘萬人傷哉

危哉

天哉

却爲楚所擠多殺漢卒十餘萬人皆入睢水睢水爲之不流圍漢王三匝於是大風從西北而起折木發屋揚沙石窮冥晝晦逢迎楚軍楚軍大亂壞散而漢王乃得與數十騎遁去欲過沛收家室而西楚亦使人追之沛取漢王家家皆亾不與漢王相見漢王道逢得孝惠魯元乃載行楚騎追漢王漢王急推墮孝惠魯元車下滕公常下收載之如是者三曰雖急不可以驅奈何棄之於是遂得脫求太公呂后不相遇



審食其從太公呂后間行求漢王反遇楚軍楚軍遂  
與歸報項王項王常置軍中是時呂后兄周呂侯爲  
漢將兵居下邑漢王間往從之稍稍收其士卒至滎  
陽諸敗軍皆會蕭何亦發關中老弱未傅悉詣滎陽  
復大振服虔曰傅音附孟康曰古者二十而傅三年  
耕有一年儲故二十三年而後役之民年二  
十三爲正一歲爲衛士一歲爲材官騎士習射御騎  
馳戰陣又曰年五十六衰老乃得免爲庶民就田里  
今老弱未嘗傅者皆發之未二十三爲弱過五十六  
爲老食貨志日月爲更卒已復爲正一歲屯戍一歲  
力役三十倍於古者姚氏云古者更卒不過一月踐  
更五月而休文頴云五當爲二言一歲之中三月居



更三日戍邊、總九十三日、古者役人、歲不過三日、此所謂一歲力役、三十倍於古也、斯說得之、楚起於彭城、常乘勝逐北、與漢戰滎陽南、京索間、漢敗楚、楚以故不能過滎陽而西、項王之救彭城、追漢王至滎陽、田橫亦得收齊、立田榮子廣爲齊王、漢王之敗彭城、諸侯皆復與楚而背漢、漢軍滎陽、築甬道屬之河、以取敖倉粟、漢之三年、項王數侵奪漢甬道、漢王食之恐、請和、割滎陽以西爲漢、項王欲聽之、歷陽侯范增曰、漢易與耳、今釋弗取、後必悔之、項王乃與范



增急圍滎陽。漢王患之，乃用陳平計，間項王。項王使者來，爲太牢具，舉欲進之。見使者，佯驚愕曰：「吾以爲亞父使者，乃反項王使者。」更持去，以惡食食項王使者。使者歸報項王，項王乃疑范增與漢有私，稍奪之權。范增大怒曰：「天下事大定矣，君王自爲之。」願賜骸骨歸卒伍。項王許之，行未至彭城，疽發背而死。漢將紀信說漢王曰：「事已急矣，請爲王誑楚爲王。」王可以間出。於是漢王夜出女子，滎陽東門被甲二千，人楚



兵四面擊之。紀信乘黃屋車，傅左纛，曰：「城中食盡，漢王降。」楚軍皆呼萬歲。漢王亦與數十騎從城西門出，走成皐。項王見紀信，問漢王安在。信曰：「漢王已出矣。」項王燒殺紀信。漢王使御史大夫周苛、樅公、魏豹守滎陽。周苛、樅公謀曰：「反國之王，難與守城，乃共殺魏豹。」楚下滎陽城，生得周苛。項王謂周苛曰：「爲我將，我以公爲上將軍，封三萬戶。」周苛罵曰：「若不趣降漢，漢今虜若。若非漢敵也。」項王怒，烹周苛，并殺樅公。漢王



之出滎陽南走宛葉得九江王布行收兵復入保成  
皇漢之四年項王進兵圍成皐漢王逃獨與滕公出  
成皐北門渡河走修武從張耳韓信軍諸將稍稍得  
出成皐從漢王楚遂拔成皐欲西漢使兵距之輦令  
其不得西是時彭越渡河擊楚東阿殺楚將軍薛公  
項王乃自東擊彭越漢王得淮陰侯兵欲渡河南鄭  
忠說漢王乃止壁河內使劉賈將兵佐彭越燒楚積  
聚項王東擊破之走彭越漢王則引兵渡河復取成



臯軍廣武就敖倉食項王已定東海來西與漢俱臨  
廣武而軍相守數月當此時彭越數反梁地絕楚糧  
食項王患之爲高祖置太公其上告漢王曰今不急  
下吾烹太公漢王曰吾與項羽俱北面受命懷王曰  
約爲兄弟吾翁即若翁必欲烹而翁則幸分我一桮  
羹項王怒欲殺之項伯曰天下事未可知且爲天下  
者不顧家雖殺之無益祇益禍耳項王從之楚漢久  
相持未決丁壯苦軍旅老弱罷轉漕項王謂漢王曰



天下匈匈數歲者徒以吾兩人耳願與漢王挑戰決雌雄毋徒苦天下之民父子爲也漢王笑謝曰吾寧鬪智不能鬪力項王令壯士出挑戰漢有善騎射者樓煩楚挑戰三合樓煩輒射殺之項王大怒乃自被甲持戟挑戰樓煩欲射之項王瞋目叱之樓煩目不敢視手不敢發遂走還入壁不敢復出漢王使人間問之乃項王也漢王大驚於是項王乃即漢王相與臨廣武間而語漢王數之項王怒欲一戰漢王不聽



項王伏弩射中漢王、漢王傷、走入成皐、項王聞淮陰侯已舉河北、破齊、趙、且欲擊楚、乃使龍且往擊之、淮陰侯與戰、騎將灌嬰擊之、大破楚軍、殺龍且、韓信因自立爲齊王、項王聞龍且軍破、則恐、使盱台人武涉往說淮陰侯、淮陰侯弗聽、是時彭越復反、下梁地、絕楚糧、項王乃謂海春侯大司馬曹咎等曰、謹守成皐、則漢欲挑戰、慎勿與戰、毋令得東而已、我十五日、必誅彭越、定梁地、復從將軍、乃東行、擊陳、留外黃、外黃



不下數日，已降。項王怒，悉令男子年十五已上詣城東，欲阬之。外黃令舍人兒年十三，往說項王曰：「彭越、張敖外黃，外黃恐故且降，待大王。大王至，又皆阬之，百姓豈有歸心？從此以東，梁地十餘城皆恐，莫肯下矣。」項王然其言，乃赦外黃當阬者，東至睢陽，聞之皆爭下項王。漢果數挑楚軍戰，楚軍不出，使人辱之。五、六日，大司馬怒，渡兵汜水，士卒半渡，漢擊之，大破楚軍，盡得楚國貨賂。大司馬咎、長史翳、塞王欣皆自剄。



有恩豈必可將

圍走不佳宜

敗也楊子所

謂自屈其力

信然信然

楚漢久相持

未嘗一請太

公呂后覆有

分羹之對緣

早請便不得

至此乃請請

果得可謂矣

無虛發

汜水上大司馬咎者故斬獄掾長史欣亦故櫟陽獄

吏兩人嘗有德於項梁是以項王信任之當是時項

王在睢陽聞海春侯軍敗則引兵還漢軍方圍鍾離

昧於滎陽東項王至漢軍畏楚盡走險阻是時漢兵

盛食多項王兵罷食絕漢遣陸賈說項王請太公項

王弗聽漢王復使侯公往說項王項王乃與漢約中

分天下割鴻溝以西者為漢鴻溝而東者為楚

文穎曰鴻溝卽

今官渡水項王許之即歸漢王父母妻子軍皆呼萬歲漢



先王行一不  
義殺一不幸  
得天下不爲  
積德累仁數  
十世乃王無  
論若楚漢相  
距數年事始  
得當小不忍  
小諒最敗大  
謀所謂百相

王乃封侯公爲平國君。臣弗肯復見曰：「此天下辯士  
所居傾國，故號爲平國君。」項王已約，乃引兵解而東  
歸。漢欲西歸，張良、陳平說曰：「漢有天下大半，而諸侯  
皆附之。楚兵罷食盡，此天下之楚之時也。不如因其機  
而遂取之。」今釋弗擊，此所謂養虎自遺患也。漢王聽  
之。漢五年，漢王乃追項王至陽夏南，止軍，與淮陰侯  
韓信、建成侯彭越期會而擊楚軍。至固陵，而信、越之  
兵不會。楚擊漢軍，大破之。漢王復入壁，深塹而自守。

音賈



詎相許不爲  
不信也是時  
養虎遺患喻  
最切不如此  
禍亂豈有涯  
哉

謂張子房曰諸侯不從約爲之奈何對曰楚兵且破  
信越未有分地其不至固宜君王能與共分天下今  
可立致也即不能事未可知也君王能自陳以東傳  
海盡與韓信睢陽以北至穀城以與彭越使各自爲  
戰則楚易敗也漢王曰善於是乃發使者告韓信彭  
越曰并力擊楚楚破自陳以東傳海與齊王睢陽以  
北至穀城與彭相國使者至韓信彭越皆報曰請今  
進兵韓信乃從齊往劉賈軍從壽春並行屠城父至



垓下大司馬周殷叛楚以舒屠六舉九江兵隨劉賈  
彭越皆會垓下詣項王項王軍壁垓下兵少食盡漢  
軍及諸侯兵圍之數重夜聞漢軍四面皆楚歌項王  
乃大驚曰漢皆已得楚乎是何楚人之多也項王則  
夜起飲帳中有美人名虞常幸從駿馬名騅常騎之  
於是項王乃悲歌忼慨自為詩曰力拔山兮氣蓋世  
時不利兮騅不逝騅不逝兮可奈何虞兮虞兮奈若  
何歌數闋美人和之項王泣數行下左右皆泣莫能



仰視於是項王乃上馬騎麾下壯士騎從者八百餘人直夜潰圍南出馳走平明漢軍乃覺之令騎將灌嬰以五千騎追之項王渡淮騎能屬者百餘人耳項王至陰陵迷失道問一田父田父紿曰左左乃陷大澤中以故漢追及之項王乃復引兵而東至東城乃有二十八騎漢騎追者數千人項王自度不得脫謂其曰吾起兵至八歲矣身七十餘戰所當者破所擊者服未嘗敗北遂霸有天下然今卒困於此此天之



亾我非戰之罪也今日固決死願爲諸君決戰必三  
勝之爲諸君潰圍斬將刈旗令諸君知天亾我非戰  
之罪也乃分其騎以爲四隊四嚮漢軍圍之數重項  
王謂其騎曰吾爲公取彼一將令四面騎馳下期山  
東爲三處於是項王大呼馳下漢軍皆披靡遂斬漢  
一將是時赤泉侯人馬俱驚辟易爲騎將追項王項  
王瞋目而叱之赤泉人馬俱驚辟易數里與其騎會  
爲三處漢軍不知項王所在乃分軍爲三復圍之項



王乃馳復斬漢一都尉殺數十百人復聚其騎亡其  
兩騎耳乃謂其騎曰何如騎皆伏曰知大王言於是  
項王乃欲東渡烏江烏江亭長檣船待謂項王曰江  
東雖小地方千里衆數十萬人亦足王也願大王急  
渡今獨臣有船漢軍無以渡項王笑曰天之亡我我  
何渡爲且籍與江東子弟八千人渡江而西今無一  
人還縱江東父兄憐而王我我何面目見之縱彼不  
言籍獨不愧於心乎乃謂長亭曰吾知公長者吾騎



此馬五歲所當無敵嘗一日行千里不忍殺之以賜公乃令騎皆下步行持短兵接戰獨籍所殺漢軍數百人項王身亦被十餘創顧見漢騎司馬呂馬童曰若非故人乎馬童面之指王翳曰此項王項王乃曰吾聞漢購我頭千金邑萬戶吾爲若德乃自刎而死王翳取其頭餘騎相蹂踐爭項王相殺者數十人最其後郎中騎楊善騎司馬呂馬童郎中呂勝楊武各得其一體五人共會其體皆是分其地爲五封呂馬



董爲水中侯封王翳爲杜衍侯封楊喜爲赤泉侯封  
楊武爲吳防侯封呂勝爲溫陽侯項王已死楚地皆  
降漢獨魯不下漢乃引天下兵欲屠之爲其守禮義  
爲主死節乃持項王頭視魯魯父兄乃降始楚懷王  
初封項籍爲魯公及其死魯最後下故以魯公禮葬  
項王穀城漢爲發哀泣而去諸項氏枝屬皆不誅乃  
封項伯爲射陽侯桃侯平皐侯玄武侯皆項氏賜姓

劉氏




太史公曰吾聞之周生曰舜目蓋重瞳子又聞項羽亦重瞳子羽豈其苗裔邪何興之暴也夫秦失其政陳涉首難豪傑蜂起相與並爭不可勝數然羽非有尺寸乘勢起隴畝之中三年遂將五諸侯滅秦分裂天下而王侯封政由羽出號爲霸王位雖不終近古以來未嘗有也及羽背關懷楚放遂義而自帝立怨王侯叛已難矣自務功伐奮其私智而不師古謂霸王之業欲以力征營經天下五年卒亡其國身死東



城尚不覺悟而不責過矣乃引天亾我非用兵之  
罪也豈不謬哉







所不覺而不知也  
也豈不謂哉  
州



